

Kalaallit Nunaata Kitaani, Maniitsup kommuneani, Arnangarnup Qooruata allanngutsaaliorneqarnera pillugu Namminersornerullutik Oqartussat nalunaarutaat

Kalaallit Nunaanni pinngortitamik allanngutsaaliuineq pillugu landstingip inatsisaani nr. 11, 12. november 1980-imeersumi §§ 4 aamma 19 naapertorlugit makku aalajangersarneqarput:

§ 1. Angujaartorfiup Nunaani nunap immikkoortortaa Arnangarnup Qoorua kaajallallugu nunap assingani imatut killilikkap iluaniittoq 66°30'N/51°37'V, 66°29'N/51°37'V, portussuseq (kotepunkt) 1040 m, portussuseq (kotepunkt) 949 m, 66°27'N/51°20'V aamma 66°32'N/51°07'V allanngutsaaliugassanngortinneqarpoq pinngortitap kusanassusia, kulturikkut kiisalu ilisimatooqarnikkut pingaaruteqarnera pissutigalugit (takuuk nunap assinga ilanngussaq 1).

Imm. 2. Sumiiffimmi imm. 1-imi taaneqartumi naasut uumasullu ukioq naallugu innarlitsaaliugaallutillu eqqissisimatitaapput.

Imm. 3. Illukut, ilerrit, allallu qangarnitsanut eqqaassutissat imaaliinnarlugit peerneqarsinnaanngitsut innarlernerqassanngillat qanoq ilillugilluunniit allanngortinneqassanatik.

Imm. 4. Naasunik, nassunnik, niaqqut saarnginik qangarnitsanillu tamanik katersinissaq inerteqqutaavoq.

§ 2. Nunap immikkoortuani allanngutsaaliukkami taamaallaat pisinnaarluni angalaartoqartassaaq.

§ 3. Nunap immikkoortuani allanngutsaaliukkami uninngaarnermi nunaminertat innersuussutigineqartut avataanni tupertoqarnanilu assinginik uninngaarfiliortoqassanngilaq. (takuuk nunap assinga ilanngussaq 2).

Imm. 2. Nunap naasui suusulluunniit ikummatitut atorineqassanngillat.

Imm. 3. Pallegarfinniit orpinnullu assingusunik naasoqarfinniit 50 m-inik qaninnerusumi ikumatitsinissaq inerteqqutaavoq.

§ 4. Maanngaannaq igitsineq, inissiineq assaassinerlu inerteqqutaapput pigisalluunniit nunap immikkoortuanut allanngutsaaliukkamut nassarsimasat qimaannarneqassanatik.

§ 5. Naalakkersuisut Maniitsumi kommunalbestyrelsep isumasioqatigereerneragut aalajangersakkanik §§ 1-imiit 4-imut allassimasunik saneqqutsisisinnaapput.

§ 6. Nalunaarummi matumani aalajangersagaqareeraluartoq nunami allanngutsaaliukkami Kalaallit Nunaanni

aatsitassat il. il. pillugit inatsit nr. 844 ulloq 21. december 1988-imeersaq naapertorlugu aatsitassanik misissueqqaarnermut, ujarlernermit atuinermullu akuersissuteqartoqarsinnaavoq.

§ 7. Nalunaarummi matumani aalajangersakkanik §§ 1-imiit 4-imut allassimasunik unioqqutitsinermi eqqartuussisutigut akiliisitsisoqarsinnaavoq.

§ 8. Nalunaarut atortuulerpoq 1. december 1989, tamatumunngalu peqatigitillugu Angujaartorfiup Nunaata allanngutsaaliorneqarnera pillugu nalunaarut ulloq 2. oktober 1984-imeersoq atorunnaarpoq.

Namminersornerullutik Oqartussat, ulloq 20. oktober 1989.

Jonathan Motzfeldt

/

Aqigssiaq Møller

Ilanngussaq 1+2

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut